

latur, Leontos oppidū, flumen Lycos, Palæbylos, flumen Adonis. Oppida, Byblos, Botrys, Gigarta, Trieris, Calamos, Tripolis, quam Tyrii et Sidonii & Aradij obtinent. Orthosia, Eleutheros flumen. Oppida, Simyra, Marathos, contraque Aradum Antarados septem stadiorum oppidum & insula cc. passus à continente distans. Regio in qua supradicti desinunt montes: & interiacentibus campis, Bargylus mons incipit. Hinc rursus Syria, desinente Phœnice. Oppida Carne, Balanea, Paltos, Gabale: promontorium, in quo Laodicea libera, Diospolis, Heraclea, Charadrus, Posidium.

Syria Antiochena. CAP. XXI.

Deinde promotoriū Syriæ Antiochena. Intus ipsa Antiochia libera, Epidaphnes cognominata, Oronte amne diuiditur. In promontorio autem Seleucia libera, Pieria appellata.

Casius mons. CAP. XXII.

Sper per eam mons eodē quo alius noīe, Casius. Cuius excelsa altitudo quarta uigilia orientē p̄ tenebras solē aspicit: breui circūactu corporis, diem noctēq; pariter ostēdens. Ambitus ad cacumen xix. M. pass. est, altitudo per directū iij. At in ora amnis Orōtes, natus inter Libanū et Antilibanū, iuxta Heliopolim. Oppidū Rhofos, & à tergo portæ quæ Syriæ appellatur, interuallo Rhofiorū montiū & Tauri. In ora oppidum Myriandros, mons Amanus, in quo oppidum Bomita. Ipse ab Syris Ciliciam separat.

Cœle Syria. CAP. XXIII.

Nunc interiora dicantur. Cœle habet Apamiā, Marsya amne diuisam à Nazerinorū tetrarchia. Bābycē, q̄ alio noīe Hierapolis uocatur, Syris uero Magog. Ibi prodigiosa Atargatis, Græcis autē Derceto dicta, colitur. Chalcidem cognominatā ad Belum, unde regio Chalcidene fertilissima Syriæ: & unde Cyrrestica, Cyrrum: Gazatas, Gindarenos, Gabenos, tetrarchias duas, quæ Granucomata uocantur, Hemisenos, Hylatas Ituræorū gentem, & qui ex ijs Batarreni uocantur, Mariammitanos. Tetrarchiā quæ Mammisea appellatur, Paradisum, Pagras, Pinaritas, Seleucias præter iam dictam duas, quæ ad Euphrate, & quæ ad Belum uocantur, Carditenses. Reliqua autem Syria habet, exceptis quæ cum Euphrate dicentur, Arethusios, Beræenses, Epiphanenses. Ad orientem Laodiceos, qui ad Libanum cognominantur, Leucadios, Larissæos, præter tetrarchias in regna descriptas barbaris nominibus xvij.

Euphrates. CAP. XXIII.

Et de Euphrate hoc in loco dixisse aptissimū fuerit. Oritur in p̄fectura Armeniæ maioris Caranitide, ut p̄didere ex ijs qui proxime uiderunt, Domitius Corbulo in monte Aba, Licinius Mutianus sub radicibus montis quem Capoten appellant, supra Simyram xii. M. pass. initio Pyxirates nominatus. Fluit Derxenē primum, mox Anaetiam, Armeniæ regiones à Cappadocia excludens. Dascusa abest

à Simyra lxxxv. M. pass. Inde nauigatur Pastonam l. M. pass. Militenen Cappadociæ lxxiiij. M. pas. Elegiā Armeniæ x. M. pas. acceptis fluminibus Lyco, Arsania, Arsano. Apud Elegiā occurrit ei Taurus mons, nec resistit quanquā xij. M. pas. latitudine præualens. Omirram uocant irrumpentē, mox ubi perfregit, Euphratem, ultra quoq; saxosum ac uolentū. Arabiam inde læua, Merorum dictam regionem trischœna mensura, dextraq; Comagenem determinat, pontis tamē etiam ubi Taurum expugnat patiens. Apud Claudio-polim Cappadociæ, cursum ad occasum solis agit. Primo hunc illi impugnatus cursum Taurus aufert: vi-
*in pugna
ctusq; & abscessus sibimet alio modo uincit, ac fractū expellit in meridiem. Ita nature dimicatio illa æquatur, hoc eunte quo uult, illo prohibente ire qua uelit. A cataraclis iterū nauigatur xl. M. pas. inde Comagenes caput Samosata. Arabia supradicta habet oppida, Edessam, quæ quondam Antiochia dicebatur. Calliroen à fonte nominatam, Carras clade Crassi nobiles. Iungitur præfectura Mesopotamiæ, originem à Syris trahens, in qua Anthemusia & Nicephorium oppida. Mox Arabes, qui Rhetaii uocantur: horum caput Singara. A Samosatis autē latere Syriæ, Marsyas amnis influit. Gingla Comagenē finit, Merorum ciuitas incipit. Oppida alluuntur Epiphania & Antiochia, quæ ad Euphraten uocantur. Item Zeugma lxxij. M. pas. à Samosatis, transitu Euphratis nobile. Ex aduerso Apamiæ Seleucus, idem utriusq; conditor, p̄tē unxerat. Qui coherēt Mesopotamiæ, Rhoadi uocantur. At in Syria oppida, Europum, Tapsacum quondam, nunc Amphipolis, Arabes Scenitæ. Ita fertur vsque Vram locum, in quo conuersus ad orientem, relinquit Syriæ Palmyrenas solitudines, quæ vsque ad Petram urbem, & regionem Arabiæ felicitis appellatæ pertinent.

Palmyra. CAP. XXV.

Palmyra urbs nobilis situ, diuitijs soli & aquis Pamænis, vasto undique ambitu arenis includit agros: ac uelut terris exempta à rerum natura, priuata sorte inter duo imperia summa, Romanorum Parthorumq; & prima in discordia semper utrinq; cura, abest à Seleucia Parthorū, quæ uocatur ad Tygrin d. xxxvij. M. pass. A proximo uero Syriæ litore ducentis quinquagintaduobus milibus, & à Damasco uiginti septem propius.

Hierapolis. CAP. XXVI.

Intra Palmyræ solitudines, Stelēdena regio est, di-
ctæq; iam Hierapolis, ac Beræa, et Chalcis. Ultra Palmyrā quoq; ex solitudinibus ijs aliquid obtinet Hemesa, item Elatium, dimidio propior Petra q̄ Damascus. Asura autem proxime est Philiscum, oppidum Parthorum ad Euphraten: ab eo Seleuciam dierum decem nauigatio, totidemq; fere Babylonem. Scinditur Euphrates à Zeugmate lxxxij. M. pas. circa uicum Massicen. Et parte læua in Mesopotamiam uadit per ipsam Seleuciam, circa eam præfluenti infu-
e iij sus

*Deinde Syria Antiochena

10

20

30

40

50